







Early European Books, Copyright © 2011 ProQuest LLC.
Images reproduced by courtesy of the Biblioteca Nazionale Centrale di
Firenze.
CFMAGL. 1.6.141/a





Early European Books, Copyright © 2011 ProQuest LLC.
Images reproduced by courtesy of the Biblioteca Nazionale Centrale di
Firenze.
CFMAGL. 1.6.141/a



Early European Books, Copyright © 2011 ProQuest LLC.
Images reproduced by courtesy of the Biblioteca Nazionale Centrale di
Firenze.
CFMAGL. 1.6.141/a



Early European Books, Copyright © 2011 ProQuest LLC.
Images reproduced by courtesy of the Biblioteca Nazionale Centrale di
Firenze.
CFMAGL. 1.6.141/a

46-141

c

PETRI BEMBI DE AETNA AD
ANGELVM CHABRIELEM
LIBER.

*A*ctum a nobis pueris est, & quidem sedulo Angele; quod meminisse te certo scio; ut fructus studiorum nostrorum, quos ferebat illa ætas non tam maturos, quam uberes, semper tibi aliquos promeremus. nam siue dolebas aliquid, siue gaudebas; quæ duo sunt tenerorum animorum maxime propriæ affectiones; continuo habebas aliquid a me, quod legeres, uel gratulationis, uel consolationis; imbecillum tu quidem illud & tenue; sicuti nascentia omnia & incipientia; sed tamen quod esset satis amplum futurum argumentum amoris summi erga te mei. Verum postea, quam annis crescentibus & iudicium & studia creuerunt, nosq; totos tradidimus græcis magistris erudiendos; remissores paulatim facti sumus ad scribendum, ac iam etiam minus quotidie audentiores. Ita q;, quas pueri miserimus ad te lucubrationes nostras, numerare aliquas possumus; quas adolescentes, non possumus: quo in consilio nobis diutius permanendum esse non puto. nam ut interdum non loqui moderati hominis est; sic semper tacere cum eo, quem diligas, perignauit. neq; hercule; si in officio permansimus in prima ætate; debemus nunc, tanquam inexercitati histriones, in secundo aut tertio actu defecisse: praesertim cum æmulatio tuorum nos studiorum Angele non excitare modo languentes possit, sed plane etiam incendere: quippe, qui multa & præclara habuimus

Aa ii

a te semper, habemusq; quotidie et consuetudinis nostrae
testimonia et doctrinae tuae. Quare sicuti pueri scriptu-
culas nostras, quasi laetentis ingenii acerbitem, detuli-
mus ad te; sic nunc deinceps etiam ad te adolescentiae no-
strae primos fetus deferemus; non ut me ipse plus ames:
nam iam id fieri posse uix puto: sed certe quia ita debemus
inter nos: neque enim arbitror cariorem fuisse ulli quen-
quam; quam tu sis mihi. Sed de his et diximus alias sa-
tis multa; et saepe dicemus. Nunc autem; quoniam iam
quotidie fere accidit postea quam e Sicilia ego et tu reuer-
si sumus, ut de Aetnae incendiis interrogaremur ab iis, qui
bus notum est illa nos satis diligenter inspexisse: ut ea tan-
dem molestia careremus, placuit mihi eum sermonem con-
scribere; quem cum Bernardo patre meo habui paucis post
diebus, quam rediissemus: ad quem reiciendi essent ii,
qui nos deinceps quippiam de Aetna postularent. Itaque
confeci librum; quo uterque nostrum communiter utere-
tur. Nam cum essemus in Noniano; et pater se, ut sole-
bat ante atrium in ripam Pluici contulisset; accessi ad
eum progressus iam in meridianas horas die: ubi quae lo-
cuti sumus inter nos, haec fere sunt. Tibi uero nunc
orationem utriusque nostrum, tanquam habeatur, expli-
cabo; non tanquam recenscatur. Igitur cum illum mul-
ta in umbra sedentem comperissem; ita initium interpel-
landi eum feci. PETRVS BEMBVVS FI-
LIVS. Diu quidem pater hic sedes: et certe ripa haec
uirens; quam populi tuae istae densissimae inumbrant, et
fluuius alit; aliquanto frigidior est fortasse, quam sit satis.
BERNARDVS BEMBVVS PATER.

Ego

11
Ego uero fili nuspiam esse libentius solco ; quàm in hac
cum ripæ , tum arborum , tum etiam fluminis amœnitate :
neque est , quod uereare , nequid nobis frigus hoc noceat ,
præsertim in tanto æstatis ardore . Sed fecisti tu quidem
perbene ; qui me ab iis cogitationibus reuocasti ; quas &
libentissime semper abiicio , cum in Nonianum uenitur ;
& nunc quidem nobis nescio quo pacto furtim irrepserant
non modo non uocantibus , sed etiam inuitis . B . F . De
rep . scilicet cogitabas aliquid , aut certe de triumuiratu
tuo : sæpe enim ex te audiui , si fieri possit uelle te , in a-
gris cum esses ; quoniam tibi id cum modice contingeret ,
tum etiam perraro ; de iis , quæ in urbe agantur , tanquã
lethæo aliquo sumpto poculo , nihil omnino recordari .
B . P . Est ita , ut dicis : nam cum ab urbe propterea me
frequentiaque hominum , tanquam a fluctibus , in hunc
solitudinis portum recipiam ; ut relaxem a curis remit-
tamque paulisper animum ; meque ipsum restituam mihi ,
atque ad reliquos confirmem labores : ut in ludis athletæ
solent : qui cum prima in lucta desudarint ; considunt pa-
rumper , seseque reuocant , ut sint ad reliqua postea certa-
mina ualentiores : si tamen illæ ipse me rus etiã prosequun-
tur , quas fugio curas & sollicitudines ; profecto nihil ago :
quod mihi quidẽ nunc ipsum euenit : qui cum solus in hac
ripa confederim , ut dignum aliquid hoc silentio medita-
rer ; ecce nos unda illa ipsa resorbuit urbanorum negotio-
rum ; paulatimq; in triumuiratus mei curas delapsus sum .
B . F . Ita sãne coniectabar : uisus es enim mihi iandu-
dum nescio quid multa cogitatione commentari ; neque eo
uultu , quo esse hic soles , hilari & soluto ; sed quo te in

A a i i i

urbe conspiciamus, contractiore interdum et graui. B. P. Recte coniectabare. Sed ista tandem, quoniam nimis iam molesta sunt, obliuiscamur. B. F. Utinam ipse id possis pater; tibi quæ istud, quando ita te iuuat, tam facile factu esset; quam dictu est. sed omnes curæ, quæ quidem sint maxime, ita fere se habent; ut si insequaris, non fugiant; si fugias, etiam insequantur. Munus autem istud tuum cum est ipsum negotiosissimum per sese; quippe; a quo ferè omnes reip. nostræ partes pertractantur; quodque uniuersæ ciuitatis cætararumque urbium nostrarum aduocationem sustinet: tum uero illud etiam accedit; quod tu is es, qui maxime omnium tranquillitatem animi requietemque deames: quo fit; ut magis etiam illa sentias, quæ te premunt. B. P. Est fili, est sanè causa illa quidem non leuis; quæ mihi labores adauget meos: sed tamen, ut uerum fatear, aliud quiddam maius me mouet: quod ipsum nuper me in urbem reuocauerat, sic dum sederem; reuocatque sæpissime. B. F. Quid illud tandem est? B. P. Quod reip. causa non commoueri neque uellem, si possem; neque possem, si uelim: nam cum ab ineunte ætate ita uitam instituerim meam; ut patriæ adessem semper; prodessem, cum possem; potuerim autem nonnunquam uel iuuenis et domi et foris; illa uero me sæpe muneribus reliquis, sæpe legationibus honestarit: eam ipse si deseram nunc, cum et experientia et consilio et auctoritate plus ualeo; quid sit aliud; quàm si tu me iuuenis senem destituas, filius patrem? B. F. Duas igitur causas prædicas pater curarum tuarum, duras tu quidem illas

et graues; uerum, quia te sciente a te ipso proueniunt;
perferendas. Nam qui te idem et actionibus tradidisti;
quibus otio inimicius esse quid potest? et rus amas seces-
susque istos tuos; quæ quidem, cum multo diutius ipsis ca-
reas quàm fruaris, uitam tibi illam efficiunt molestiorem;
dolendum tibi non puto; si te uel illis ipsis rebus condem-
nes, quas fugis; uel fugias omnino, quæ te iuuant. Sed
illud tamen quale est, quod te dixeras reip. causa com-
moueri? an te fortasse mi pater motus ii Galliarum per-
turbant; qui feruntur? B. P. Minime illi quidem:
uerum admodum gaudeo te e Sicilia rediisse: nam si ali-
quid euenerit; malo te hic esse, ubi omnes sumus; quam
illic, ubi neminem habes tuorum. B. F. Equidem ad-
sum ac libens cum ea de causa, tum quia uobis omnibus ca-
rebamus iam nimium diu: caue tamen putes nobis hoc Si-
ciliensi biennio quicquam in uita fuisse iocundius. B. P.
Gaudeo et id quidem: idque ipsum ex eo suspicabamur;
quod nondum ad nos cogitabatis. Sed postea quam in cū
sermonem incidimus, ut de Sicilia loqueremur; narra mi-
hi quemadmodum ea se habent, quæ de Aetnæis ignibus
et feruntur passim, et leguntur: te enim accessisse illuc cū
Angelo tuo, totumq; mōtem perlustrasse audiebamus: et
nobis quidem certe nunc uacat: quid enim hoc æstu agamus
meridiani? neque est, quod ego soleam libentius, quam
de naturæ miraculis audire. B. F. Hæc uero, ut libet:
et quidem eiusmodi sunt; ut tibi audienti afferre uel ma-
gnam possint; mihi certe narranti semper aliquā afferant
uoluptatem. quanquā quidem iam hoc ipsum facimus nimis
sæpe. quā enim multis nos eadem ipsa censes postea quam e-

Aa iiii

Sicilia reuerſi ſumus, narrauiſſe? Sed conſurge, ſi placet, ab hac umbra: atque ad illa buxeta noſtra, ſi tibi uide-
 tur, ſedesque pergamus. B. P. Periniquum tu qui-
 dem facis; qui de ignibus loquuturus ab umbra et frigo-
 re decedendum putas: ſed quando ita uiſ propter aquam
 potius in ripa deambulemus; et cum fluuio ſermoni re-
 liquo demus operam loquentes: ita mihi uidebor melius
 tuas illas flammæ Aetnæas, ſi me offenderint, Pluici
 mei unda temperaturus. B. F. Illæ uero neque te of-
 fendent, cum abſint longiſſime: neque hic ſi adeſſent, re-
 ſtinguere illas poſſet Pluicus tuus; cum mare ipſum eti-
 am cedat illis uolentibus, atque earum ardoribus contra-
 hatur. B. P. Magnum exordium incoas fili; ac iam
 plane uix credenda ſunt iſta, quæ dicis: uerum, qui ita
 fiat, explana id etiam mihi. B. F. Faciam, ut iubes:
 ſed opus eſt ante, quàm illo ueniam; ut aliqua te prædo-
 ceam deque inſulæ, deque montis natura: quibus cogni-
 tis ad ea, quæ poſtulas, recta pergemus uia. B. P.
 Age, ut libet: modo ad illa etiam aliquando ueniamus:
 quin etiam mihi feceris gratiſſimum; ſi ea lege inceperis,
 ut nequod pulchrum prætereatur; ſiue uidisti aliquid,
 ſiue audiuiſti, ſiue quid eſ ipſæ commentatus. B. F.
 Ego uero ſi placet iter tibi noſtrum omne ordine recen-
 ſebo; teque a Meſſanæ menibus uſque in Aetnæ cacumen
 perducam. B. P. Placet, et cupio: incipe igitur; ui-
 amque ipſam omnem reminiſcere, et tanquam recurre, ſi
 potes. B. F. Agam ſedulo id quidem: itaque ne te te-
 neam diutius. Quartuſſecimus menſis agebatur; ex quo
 ego et Angelus meus apud Conſtantinum præceptorem

IV

græcarum literarum studiis exercebamur: neque sane ad
huc uacuum ullum tempus dederamus nobis laboris; ac
ne unum interea integrum intermiseramus diem. B. P.
Nimium fuistis assidui uestris in studiis adolēscētes, uel
etiam superstitiosi: annum et menses nouæ linguæ rudi-
mentis incubuisse nullo intermisso die? mirum; si uos uel
habitus illa prior destituit, uel color: nos tamen e nauig-
atione traxisse uos pallorem istum et maciem putaba-
mus. B. F. Ita euenit: sed iam tandem nos ipsos respe-
ximus: placuit enim ut Aetnam uiseremus; atq; interea,
dum animi relaxarentur, tantum naturæ miraculū etiam
feriati nosceremus. ita iocūdis aliquot sumptis comitibus,
confessis equis Messinam reliquimus. sed iter summo lit-
tore facientibus nobis Taurominium usque memorabile
nihil conspectum est: A leua statim Rhegium et Brutii
agri paruo primum, mox latiori maris interuallo aperien-
tibus se se paulatim angustis prospectantur: a dextra col-
les continui imminēt, Bacchi tota feracissima plaga et
Mamertinis uinetis minus fortasse, quā olim fuit, tan-
quam ab ipsa uetustate contritis iam laudibus; sed tamen
satis nunc etiam percelebris. In medio ferē itinere, uel
paulo amplius castellum Nisus ex aceria montis rupe uia-
toribus se ostendit. unde illud deuectum Ouidianum,

Nisiades matres, sicilidesque nurus:

Incolæ uallem etiam omnem, quæ subest, Nisi regionem
uocant. B. P. Erit isto sane modo etiam aliquid infra
Taurominium memorabile: nam de hoc poetæ uersu, si
recte memini nobis pueris nondum inter grammaticos con-
ueniebat: qua quidem in re adhuc illi arbitrum si quæ-

runt; plane uideo eam controuersiam posse dirimi a
Niso tuo: a quo nescio quam blande cæteri hospites ex
cipiantur: te certe, ut illi dicerent, etiam elegantiore
remisit: Sed sequere. B. F. Taurominii cum ue-
terum monumentorum reliquiæ plures uisuntur, tem-
pla, sepulchra, aquæductus: quin sæpe temere græca
numismata passim effodiuntur affabre facta illa qui-
dem, neque in æs modo insculpta; sed in argentum,
sed in aurum: quod etiam Syracusis crebro accidit, et
est iam totius ferè insulæ familiare: tum coctile theatrum
adhuc manet paulo quam id, quod Romæ uidimus, mi-
nus; nisi quod illud amphitheatrum est: quæ quidem
omnia eo inspexi diligentius; quod te recordabar plu-
rimum semper ueterum hominum imaginibus monu-
mentisque, tanquam uirtutum illorum et gestarum re-
rum testibus, oblectari. Vrbs ipsi loco præcelso at-
que edito sita, et montium angulo promissa in pelagus
mare Ionium longe lateque prospicit. theatrum ulti-
mam anguli rupem insedit; qua collis conspicuus ante
omnem urbem in circum planitiem ducens audentior pro-
currit in mare; atque hinc fluminibus, inde urbe medi-
us ipse terminatur. E Taurominitano demissi iugo,
et littore paulatim relicto, uallemque ingressi; quam a
leua Aetnæ radices, a dextra Taurominitani montes ef-
ficiunt; per eam Randatium peruenimus nouum oppi-
dum, et in Aetnæ radicibus, qua parte mediterranea de-
spectat, situm: Iter totum a Taurominio nobis quatuor
et uiginti mil. pass. confectum est. uallis sonoro et per
petuo flumine scinditur et irrigatur. Platani numerosa

v

*sylua utrasque ripas inumbrantes maximam sibi uallis
partem egregiæ incolæ uendicarunt. B. P. Ain'tan-
dem, platanos illæ habent ripæ? B. F. Pulcherri-
mas illas quidem, et multissimas: ut non Socratem mo-
do, aut Platonem, scholasque omnes mitiores suis um-
bris inuitare possint ad philosophandum; sed etiam Gym-
nosophistas durissimos illos quidem homines, et sole ad-
modum delectatos. B. P. Quam uellem; ut cum ea-
rum duabus possemus, uel tribus arboribus multo plu-
res fructiferas arbores ex illis quas in quinquuncem di-
spositas habemus, commutare. B. F. Vtinam illæ tibi
potius pater iis stantibus totum Pluicicum obduxissent:
poterant enim uel uniuersum Nonianum: sed nescio an
isto sub cælo prouenirent. B. P. Equidem arbitror:
nam illis postea quam in Italiam trauectæ sunt, et qui-
dem ab ipsa Sicilia primum; multæ urbes abundauere:
quanquam posteriorum hominum negligentia deperie-
rint: nos enim; dum Romæ essemus; unam, quæ in
ima ripa speculi est Dianæ Aricinæ, pro miraculo uidi-
mus. Sed nihil est profecto, mihi crede, nihil est fili;
quod effici ab homine cura diligentiaque non possit: nos
enim; ut de me ipso loquar; quibus tamen, ex quo hanc
uillam exædificauimus iam inde ante quam tu esses natus,
consumere hic nondum etiam licuit triginta integros
dies; neque quando licebit scio; cupiam certe semper,
et peroptabo; uides quam multos tibi posuerimus ordi-
nes pulcherrimarum arborum uel nostratium, uel adue-
narum? quæ si etiam platanos habuissem, nunquā illæ me ui-
uo periiissent: et haberes tu quidē nunc, quo melius inuita*

re posses Faunum tuum ; et ille , quo libentius accedere .
B . F . Vellem equidem mi pater : sed , quando id effi-
ci non potest , oblecta te populis tuis : tum etiam si placet ;
sicuti matres filiorum nomina , qui desiderantur , in cos
saepe transferunt , quos habent ; ita et nos platanos istas
uocemus . B . P . Mihi uero placet has populos semper
uocari : atque haud scio , an etiam cum eas tempestas ue-
tustas ue consumpserit ; ut ait ille de quercu Mariana ; ta-
men erit in Noniano populus , quam Bembeam populum
uocent : ita mihi quidem uidetur illas aeternitati commen-
dasse suis carminibus Aurelius noster . Quare ;

Quæ uitreas populus arduo

Bembeas ad aquas uertice tollitur

Viuum cespitem obumbrans

Intonsa bicolor coma ;

sit semper populus : crescat ; surgat altius uel aquula hac ,
uel poeta uersu : sed , ut ad platanos redeam , non tam
hoc mea causa cupiebam fili , quam tua . ego enim me ob-
lectaui satis ; tum experiendo illud didici , ut nequid ad-
mirarer : neque si quid sero aliquando ; quod facio sem-
per , cum licet ; siue ædifico aliquid , aut paro ; propte-
rea id facio , uel quia illis omnibus rebus putem me esse
usurum , cui me ipso uti iam meo ipsius iure non licet ; uel
quia non facile illa possem contemnere , quibus carerem :
quid enim mihi potest iam ad eos dies , qui mihi reliqui sunt
ad uiuendum , esse non satis ? uobis illa parantur pueri ;
uobis illa inquam non mihi : scio enim quam a parentibus
quæ sita hæc dulcius accipere soleant liberi , quam ipsi fa-
cile comparare ; siue quæ in quærendis rebus plerique

11
laborem fugimus, in partis omnes uoluptatem amamus;
siue quæ in iis, quæ nobis a maioribus nostris relinquuntur,
insit etiam memoria illorum, qui tradidere: quæ illa no-
bis nescio quo pacto cum sanctiora efficiat; tum certe fa-
cit multo etiam iocundiora. B. F. Mihi quidem pater
et nunc ista carissima sunt, quæ, quæ es in nos amoris
exuberantia, a te uideo dici; et erunt semper, dum ui-
uam, fixa animo et memoriæ meæ; cupioque, ut ex iis
ipsis rebus, quæ mihi a te quæque fratri comparantur meo,
longissimam ipse nobiscum percipias uoluptatem. sed si ti-
bi nos unquam naturæ lege superuiuemus, habeo alia ego,
ut de me tantum loquar: nam de fratre quanquam multa
possent dici; malo illi integram causam relinquere respon-
dendi tibi: habeo alia inquam; quæ mihi sanctissimam tui
memoriam semper efficient etiam absque Noniano tuo:
quippe; qui me puerum educaueris non diligenter modo;
sed plane, quod uere mihi uideor esse dicturus, etiam re-
ligiose; habueris tecum in legationibus tuis; imbueris opti-
mis moribus; omnibusque bonis artibus, quod in te esset,
ita semper institueris; ut uercar, ne sim prorsus ingratif-
simus, ultra hæc mihi a te si quid unquam relictum opta-
uero; tum si de iis ipsis tibi non ego semper maiores gra-
tias habuero, quam si mihi magnificas uillas construxisses.
Quare ista quidem de causa nihil est sanè, quod labores.
B. P. Ego uero ac multum: nam qui tibi illa præpara-
uerim; quæ sunt longe potiora meo quidem iudicio, et,
ut uideo, etiam tuo; curandum mihi est hæc tibi ut ne de-
sint: quæ cum minora quidem sint, ualde tamen sunt ne-
cessaria: quemadmodum si te quis ad cœnam uocet; fer-

culaq; afferat cum uaria, tum sumptuosa; uina multifariam
apponat; ministros adhibeat; calices quærat, et uasa uel
argentea, uel aurca; nisi statuerit triclinium, aut mensas in
hortulo disposuerit, ut tibi stanti cœnandum sit; certe tu
illum nihilo probes magis, quam si tam multa omnino non
parauiſſet: Ita mihi eueniet patri: nam qđ te recte insti-
tuerim a puero; mecum habuerim semper; utranq; linguā
te docendum curarim id est ad cœnam uocasse te satis du-
biam et sumptuosam; in qua depasceres animum tuum,
teq; ipse conuiuia elegans oblectares: conuiuia nanque su-
mus omnes, dum uiuimus; neq; aliud est omnis uita nostra,
qua sub hac mundi luce fruimur; quam longa concœnatio,
aut ut iam uerius dicam conuietio. qđ si nec sedem ullam
tibi, nec umbram aliquam præbuero cœnanti; hoc est nisi
uiuenti diuersorium secessumq; gratum aliquem parauc-
ro studiis et musis tuis; profecto non tam in illis lauda-
bis diligentiam meam; quam in his etiam culpabis negli-
gentiam: neq; tam pulchra ea tibi esse uidebuntur, quibus
habundaueris; quam fuisse illa, quibus carebis, necessaria:
ita fiet; ut cum semel abiero; tu me sæpius accuses, quam
probes. B. F. O mi pater; me ne tam impium un-
quam futurum, ut te audeam accusare? ego te unquam ac-
cusem pater? quid si non tu me sæpe monuisses, et ego ali-
quando scriptum legissem a summis ac sapientissimis ui-
ris, animi bona esse, quæ beatos homines facerent sola ipsa
per sese, quæq; opis externæ non egerent? ea neque eripi
posse cuiquam, nec ætate senescere, nec morte interire? cæ-
tera omnia manca esse, labilia, momentanea: quæ quoniam
fortuna et casu regerentur; tanto esse magis quenq;, quan

111
tum illa contemneret, uel diuitem, uel etiam sapientem;
animos nostros ex aetherea sede in hanc corporis labem pro-
fectos ea lege, ut ad illam ipsam purgati aliquando reuer-
terentur, quæ hic essent despicere; ad illa se intendere, quo
properarent? me uero, quem ista quandoque docuisses; nisi
mibi uillam reliqueris syluamque platanorum; putas tibi
esse succensurum? non est ita mi pater: ne putes. B. P.
Non puto. B. F. Neque me tam dementem existimes
uelim. B. P. Non existimo. B. F. Quid ita igitur lo-
quebare? B. P. Quia noueram mores hominum; tum
etiam pertentare te prorsus uolui, quam recte ista senti-
res. Sed omittamus hæc iam tandem fili; atque ad eam
partem sermonis, ex qua egressi sumus, reuertamur. Et
quoniam me impellente nimium iam extra Aetnæ termi-
nos prouecti sumus; non committam, ut te interpellem sæ-
pius; nisi quid erit, quod de ea ipsa te rogem. B. F.
Tu uero, ut lubet: ego autem, ut te uideo uelle, sic fa-
ciam. Sane mons ipse situ, forma, magnitudine, fertili-
tate, incendiis mirus; demum tota sui qualitate ac spetie
longe conspicuus, et sibi uni par est. Ab aurora mare
Ionium bibit; et Catinam sustinet imo in pede: cum sole
descendit in insulam ea parte, qua Tyrrenum pelagus est,
et quæ Aëoliæ appellantur: laterorsus, in septentriones
uergenti Pelorus obiicitur, et Italiæ angustiae sunt: con-
tra reliqua insula subiacet, tractusque ii omnes, qui cum
Lilybæo in Africam protenduntur. Ipsa Aetna radices
suas fere in orbem deducit; nisi sicubi orientem et meri-
diem uersus promisso cliuo paulisper extenditur. celebs
degit; et nullius montis dignata coniugium caste intra su

os terminos continetur . circumitur non minus , quàm . c .
 mil . pass . ascenditur fere per uiginti , qua breuior uia .
 Imi colles , ac omnis radicum ambitus per oppida , et per
 uicos frequens incolitur ; Baccho , Pallade , Cerere fera
 ces terræ ; armentorum omnis generis supra , quam cre-
 das , feracissimæ . Hic amœnissima loca circunquaque :
 hic fluuii personantes : hic obstrepentes riui : hic gelidissi-
 mæ fontium perennitates : hic prata in floribus semper et
 omni uerna die ; ut facile quilibet puellam Proserpinam
 hinc fuisse raptam putet : hic arborum multiugæ species
 et ad umbram crescentium , et ad fecunditatem ; in qua
 etiam tantum excellunt cæteras omnes arbores ; ut mihi
 quidem magis huic loco conuenire uideantur ea , quæ de
 Alcinoi hortis finxit Homerus ; quam ipsi Phæaciæ ; in
 qua certe nos cum e Sicilia rediremus , nihil eiusmodi ui-
 dimus , quod nos tantopere oblectaret : ut etiam non inur-
 bane Angelus meus interroganti cum cuidam ex Phæaci-
 bus , qui nobis urbem omnem ostenderat , quidnam illi ui-
 deretur ; ita respõderit : Ego Phæaces debere uos quidem ,
 inquit , Homero permultum existimo ; qui uobis plura e-
 tiam tribuit , quam ipsa natura . referam (si potero) la-
 tine ; uel certe ut potero : nam aduerti propterea tum
 etiam diligentius illum ipsum Homeri locum .
Hic nemora in cælum late crescentia surgunt ,
 Punicei pomum grani , malumque , pirumque ,
 Et dulces ficus , et magnæ Palladis arbor .
 Non illis borealis hyems , non officit æstas
 Torrida : sed placidas zephyris spirantibus auras
 Arboribus totum superat fætura per annum :
 Et pomo

Et pomo infenuere recentia poma priori ;
Et noua iam miti superaduenit uua racemo .
Medius mons nunc uariis arboribus late syluescit, et præ
cipue pinis et fagis maximam in magnitudinem multitu-
dinemque crescentibus : quarum illæ inferius, hæ subli-
miores sunt : nunc nudo latere arabiles in plagas extendi-
tur ; et sæpe usque ad imum descendit, frumentis adeo
fecundus ; ut credita nonnunquam in centuplam segetem
cultoribus ferat . Itaque prudenter, ut multa, illud etiam
prisci uiri ; quod nobilissimum templum Cereris in Aet-
na constituere : ubi enim potius dea segetum coleretur ;
quam ubi segetes optime prouenirent ? atque id quidem
tantum de segetibus : uerum ab uniuerſa Aetnæ fertilita-
te, ut opinor fabula etiam emanauit, Aristeum giganta
eo in monte ita saluum esse atque uiuere ; ut neque ab Aet-
na prematur unquam, neque flammis cœlestibus inura-
tur ; quod optimi et uberrimi essent fructus ; qui per
Aetnæ loca nascerentur, nullo telluris uitio, nulla aeris
offensi malignitate : nam et Aristeos græci quidē illos uo-
cabant, qui uicissent in certaminibus ; et gigantes scimus
esse filios telluris appellatos : ita, quoniam fructus uni-
uersos tellus, quasi mater parit ; cum fructus Aetnæos
esse optimos atque uberrimos uellent dicere ; tanquam cæ-
teros superarent ; fabulæ datus est locus non inuenuste
quidem ; si tibi ita uidetur : expecto enim etiam quid tu
sentias scire abs te . B . P . Mihi sane uidetur : itaque
redde cætera . B . F . Reddam pater, atque illa ipsa
quidem ; quæ a principio postularas : uentum est enim ad
id ; ut iam de ignibus loqueremur . B . P . Verebar

B b

sane, tu ne me longius circumduceres: quanquam quid longum mihi esse hac in re, qua de nunc agimus, atque hoc in otio potest? B. F. Curabo id quidem, ne fiat si potero, quantum potero, diligenter. B. P. Imo Hercle fiat potius; etiam id si facere ipse, ne fiat, potes: non enim impedio: illud autem ideo dixeram; quia te putabam ante quam istuc accessisses, aliquandiutius erraturum. B. F. Ego uero existimabam pater errauisse me sic etiam nimis diu. B. P. Non est ita: sed, ne nunc tandem erremus; perge de ignibus, ut proposuisti: uerum autem quid hæres? B. F. Pergam equidem, ut iubes: sed scin, quam in salebram inciderim? B. P. Nihil profecto minus. B. F. Dum tibi ad ignes festino; eam Aetnæ partem, quæ nobis una restabat de tribus, sic enim partiri soleo, et qua sine ad ignes ipsos perueniri non potest; penè omiseram suboblitus: ita Aetnam, quasi Chimæram, cæcideramus; et tanquam ream capite mulctauimus imprudentes: sed agam nunc tutius; ac de utroque simul loquar. Superior itaque montis pars; nam iam de iis, quæ infra sunt, diximus; usque ad summum cacumen nudauariam faciem ostendit: nam alibi semiherbosi tractus sunt intersurgentibus tophis; qui etiam in pedemontana regione passim uisuntur: alibi per summa ora exundans incendium saxis fluentibus totas plagas occupauit: alibi arenarum campi magnam in longitudinem et latitudinem extenduntur. In supremo crateres duo sunt: quorum alterum, qui quidem inferior est, ipsi uidimus in putei rotunditatem angustum, emisissis ueluti gemina sponda circunquaque saxis tum exustis, tum diuersicoloribus: at-

viii
que hunc lapidea planities ambitu angusto continet : quo
ut primum inscendimus ; sulfuris statim nebulis et uren-
ti fumo , ueluti e fornace , percussi ora penè retulimus
gradum : mox crescente audacia , qua uentus perflabat ,
paulatim ingressi craterem ipsum tetigimus manu . Effun-
debatur inde , tanquam ex camino , fumus non intermissa
exhalatione : is tamen etiam scissa per longa incendia mon-
tis cute uentis intus furentibus qui eo die uehementes fue-
runt ; multis in locis sibi faciebat exeundi uia : interdum
quoque repente ipsis sub pedibus exiliens manere nos uno
in loco non permittebat : quinetiam illud accidit ; ut quem
locum maxime contemplantur ; quod erat saxis nuper
effusis et adhuc ignem et sulfur retinētibus incrustatus ;
per hunc , qua parte concesserat in rimam , subito efflue-
ret igneus riuus ; ac pedes ipsos inter emissā ex riuo saxa
urentia prosilirent . B . P . Quid ais ? peream , ni me
totum commoues fili , atque etiam perterrefacis tua ista
oratione . Quid autem saxa illa ? an quenquam uestrum
laserunt ? B . F . Neminem profecto pater : quin eti-
am eorum duo , cum refrixissent , quæ manu capi pote-
rant , Messanam deportauimus sulfuris partem seruā-
tia , cætera subnigra . B . P . Quid enim uos tam ul-
tra temere procedebatis ? B . F . Quia cum licere illic
nobis tuto consistere putabamus : tum etiam lustrandi sin-
gula studio , uel potius auiditate ferebamur . B . P . An
nesciebatis Plinium illum maiorem ita occidisse ; dum ni-
mium diligenter , ne dicam inconsulte , Veseuiani incendi
causas perquireret , montemque perlustraret ? B . F .
Quid ni sciremus pater ? uerum tanta nos delectatio illi-

Bb ii

us spectaculi detinebat ; tanta rei nouitas , tantus inuaserat stupor ; ut sui ipsius iam nemo satis nostrum recordaretur . Sed missa hæc faciamus ; atque ad illam planitiẽ , de qua modo dixeram , reuertamur : quæ quidem ita tamen perurebat ipsa ; ut admotæ solo manus , nisi exemplo retulisses , offenderentur : pedes duplici calciamento ita propter ascensus difficultatem comparato tuebamur . Ab eo cratere , quem dixi , mons per fundæ iactum insurgit ascensu difficillimo partim salebris impredientibus , partim tardantibus arenis : et cliuus statim etiam omnibus ex partibus impendebat . is uniuersi corporis uertex summus est . Ab eius inscensu detinuere nos potentissima uis uentorum , et exhalantes fumi : itaque tibi de illo referre quidem aliud nihil possum , nisi tibi ea uis recenseri , quæ ab Urbano monacho accepimus postea , Messanæ cum esset , homo ille quidem spectatæ fidei , atque harum rerum cupientissimus sciscitator : is enim paucos ante nos dies per summam tranquillitatem totum uerticem perlustrauerat . B . P . Imo uero cupio : noui enim ego illum , atque amo ; quod te non latet : quare mihi futura sunt hæc omnia illius etiam testimonio gratiora . B . F . Aiebat ille igitur ; quando ea tibi narrari postulas ; quibus tamẽ ego tam accedo ut credam , quam omnino si aspexissem ; uerticem illum esse ab ingenti cratere occupatum ambitu circiter quatuor stadiorum ; cumque non usque in imum descendere eodem biatu ; sed aluum sibi intus paulatim astringere catenus , quoad in eius medio ad euomenda montis incrementa satis amplo ore foraminatur : tum esse in summa montis corona paruum tramitem ; ubi pedes firmentur :

mentur: ex eo si quis declinauerit, aut in craterem obrui,
aut e monte deturbari: stetisse tamen se se ibi dum bara-
thrum exploraret: cructasse tum montem magno strepitu
incendia caliginosa, et urentes petras supra os, quantum
sagitta quis mitteret, insurgentes: atque eum, ueluti corpus
uiuens, non perflasse semper; sed emissa semel anima ces-
sasse diutule, dum respiraret: tum se copiam intuendi
habuisse, quæ uellet: mox respirasse iterum atque iterum
pari interuallo usquequaque: interea ingemere intus ca-
uernas auditas; intremere etiam tonitruis montem sub pe-
dibus magno et formidoloso ijs, qui aderant, horrore:
ex quo illud mirum uidetur, quod qui tum strepitus per
tranquillitatem sentiebatur, eorum a nobis nihil auditum
sit in tanta ferocia uentorum. B. P. Illud uero nec ui-
deatur fili, neque plane ipsum est mirum: constat enim, quem
admodum scriptores tradidere, simul cum uentis Aetnae
animam immutari: et quo flante fumos tantum aut caligines
exhalet; eo ponente modo puras, modo crassiores flammās
emittere pro surgentium uentorum qualitate: aliquando etiam
effundi torrentes ignium uaria exundatione prout intra
montis uiscera pinguia, uel exilia incrementa sunt: quæ cum
ita se habeant, illud etiam posse fieri quis est, qui neget; lenis-
sima unius uenti aura eos strepitus intra montem excitari;
qui uel furente altero non queant: non enim quod persflet quis;
sed quod intret in montem, quamque se in cauernas illius, inque ui-
scera insinuet, est spectandum. B. F. Intra montem igitur
tu, tanquam intra pectus animam, sic accipi ab Aetna uentos pu-
tas; quibus illa modo spirat leniter, modo uehementius inci-
tatur. B. P. Sane quidem: nisi tamen ueriora illa sunt; quæ

Bb iii

de Typhæo, de q; Encelado poetarū fabulosa diligentia cō-
cinnauit. B. F. Verissima illa quidem fabella est: sed per-
ge tu mihi; at q; etiā pater huius incēdij causas redde, si pla-
cet: nā ex incolis quidem inuētus est nemo; qui ea nobis pau-
lo uerius explicaret. B. P. Pergam, ut libet: sed nō prius
id faciam; q̄ mihi dixeris quō illud sit, qđ tu uerissimam fa-
bellam dixisti. B. F. Quia sane ea demum uerissime fabu-
la est; quæ nihil habet ueritatis. B. P. Pulchre nimirū:
at q; isto modo ego etiā dicere historiā maxime falsam pos-
sum; ut ea sit demū falsa quā maxime historia, quæ falsi ha-
beat nihil. B. F. Non sequitur istud pater: sed nos diale-
cticen c; captiosis sophistarum circulis coronisq; ne auoce-
mus: satis enim habet illic negoti. Quare age mi pater; ex-
plana potius illa nobis, quæ petimus; ea incendia unde oriā-
tur; et orta quō perdurent. B. P. Tu uero postulas etiā
sine dialecticis philosophari: qđ quidem ipsum fieri q̄ pos-
sit; uel alio tempore ex te ipso cognoscēs; uel cum uoles, au-
dies de me: nunc uero age, philosophemur: interea tamē pau-
lisper hoc in cespite considamus: ne q; enim ullis adhuc No-
nianis legibus cautū est, ne quis temere quoquo in cespite cō-
sidat: quemadmodū olim Romanis, ne quoquo in gradu, et
ego iam deambulando defessus sum. B. F. Tu uero quie-
sce, ut libet, et quādiu libet: ego autē et stare adhuc possum
libentius; et te ita melius auscultabo. B. P. Et quidem
hoc etiā licet: sed quoniam ita uis; ut, quibus de ignibus ego
te antea interrogauerā, de ijs tu me nunc audias differentē;
breui expediā, quæ sentio: ne q; enim nimis multa sunt. Tel-
lus quidē omnis Bēbe fili, sicuti nostra corpora, foramini-
bus canalibusq; distincta est, et tanquā uenis internotata;

siue qđ omnino coire non pōt, quæ spetie quidem multum
sibimet differat intra sese; siue qđ aut gignit ipsa semper
aliquid, aut interimit, et immutat; neq; unum idem omnis,
atq; semper manet; siue; ut alij tradidere, et quidē princi-
pes in philosophia uiri; quia plane uiuit ipsa; atq; a mundi
anima uitam trahens ab eadē mundi anima extra intraque
perlustratur. Sed in omni tellure nuspiam maiores fistulæ,
aut meatus ampliores sunt; qđ ys in locis; quæ uel mari uici-
na sunt, uel a mari protenus alluuntur: nā cum exedit sem-
per mare, cōsumitq; suo pte contactu suaq; natura omnia;
tum aut si partem est naētum aliquam debiliore membraq;
non adeo robusta telluris; erodit illa multo facillime, pergit
que in uiscera ipsa, qđ tum pōt: itaq; cum in aliena regna si-
bi uiā faciat; uentis etiā facit: ex quo fit; ut loca quæq; ma-
ritima maxime terræ motibus subiecta sint, parū mediter-
ranea. qđ si etiā in sulfuris uenas uenti furentes inciderint;
tū incendia excitantur sane non difficulter: quoniam et in
sulfure concipiendi permagna ignis uis inest; et uenti etiā
aliena succedunt ui sua: hæc aut tu ut in Aetna accidāt o-
mnia, uide: quippe, ut modo tute dixisti, quæ mare in radici-
bus habeat; quæ sulfurea sit; quæ cauernosa: seu qđ natura
ita fuerit semper ipsa; seu qđ a mari aliquando perforata
uentos admiserit æstuentes; per quos idonea flammæ ma-
teries incenderetur. Habes, unde incendia oriantur Aetnæ
tuæ: habes nunc quō etiam orta perdurent: in quo quidē no-
lo ego te illud admirari, qđ uulgus solet: magnū esse scilicet
tantas flāmas, tam immensos ignes post hominum memoriā
semper habuisse, quo alerentur: quid est enim magnum ipsi
magistræ rerū omniū, atq; artificii naturæ? quid arduū; quid

Bb iiii

illa tandem non pōt? qui stellas; qui solem; qui cæli cōuexa;
qui terras oēs; ac maria; qui mundum deniq; ipsum, quo ni-
hil est admirabilius; uel potius extra quē nihil est, qđ admi-
reris. sꝫ pꝫ sine admiratione intuemur; ysdē nobis esse Act-
na miraculum pōt? caue sis tam imprudens fili; ut tu id pu-
tes: nam si naturā respicimus; nihil in Aetna est, qđ mirum
uoces: si rem consyderamus ipsam; nonne tibi etiā mira ui-
deantur cum alia loca permulta; tū uel Aponi nostri fon-
tes; calidꝫ q; illꝫ; quibus natura non tantum ut calcfacerēt
dedit, qđ erat tamen ab aquis alienum; sed multum de iu-
re quoq; rerū omnium concessit; multum de nostro; tū ali-
quid de deorū etiā; et suo; ut morbis scilicet mederētur nō
modo sine ullo ægri dolore; qua de causa græco uerbo Apo-
nus nomē inuenit; sed et cum uoluptate: ita q; qui curātur;
Non uenas reserant (ut ait ille); nec uulnere uulnera sanāt;
Pocula nec tristi gramine mista bibunt:

Amissum lymphis reparant impune uigorem;

Pacaturq; ægro luxuriante dolor:

Nam morbos quidē expellere hominum plane est rerum
usum multarū recte callentium: hoc aut uel sine dolore id
efficere; uel (quod multo est maximū) etiam cum uolupta-
te; deorū mihi quidem uidetur esse proprium; ipsiusq; prin-
cipis omniū; et parentis naturæ. qđ si cum uno Aponi fon-
ticulo profunda illa cōparaueris; inundationesq; oēs Act-
næ tuæ; fortasse nō uerear; ne noster hic colliculus tuo illo
monte sit minor. Sed faciā; ut tibi pollicitus sum; et Actnæ
incēdia quomodo alantur; docebo. Quoniā igitur omnia (ut
sis) humore atq; calore concipiuntur; cū et semper ardeat
mōs; et semper a mari perlustratur; habes iam duobus his

uerbis, quod petis: ignis enim; qui detrahit semper aliquid atque
consumit; gignit etiam semper aliquid sibi, quod consumat,
suo ipsius calore humectantibus undis tellurem, semperque
igni materiam sufficientibus, quo alatur: nam et bitumen ma-
xime, quod sulfuris simillimum est, fit ex terra et limo exuda-
te tellure; tum et eiusdem fere generis balumen, quod quia ex
salo et terra conficitur, ita uocatur. B. F. Vnde autem sa-
xa, et pumices pater, et eiectiones illa, quae uomit? quid
illa tandem sunt? an sulfur tantum, bitumen, balumen om-
nia? B. P. Nequaquam fili: sed tanta est uis ignium, praesertim
inclusorum, et uentis intus furentibus; ut non uiscera im-
becilla modo; sed plane nerui etiam fortiores corripiantur tel-
luris; et saxa ipsa durissima liquefiant. B. F. At ea ipsa
saxa non aliquando defecisse, montemque sibi non subsedisse,
nonne illud est mirum pater? B. P. Neque, id fili quidem
mirum: tellus enim semper fecunda sui est; semperque semet
ipsa parturit: nisi tamen malis tu cum Pythagora sentire; qui
quidem apud Ouidium ita precipiens inducitur ut audeat af-
firmare Actnea incendia non esse usquequaque duratura.
B. F. Ego uero, quid sentiam; non sat scio: quamquam equidem
mallem Pythagoram, quam Empedoclem imitari: ille enim quae
naturae consentanea uidebantur, credebat asserens mutari
quidem omnia, nihil tamen omnino interire: hic, dum curiosi
us naturae causas perscrutatur; etiam se ipsum imperscruta-
bile facit. B. P. Sed ualere nos illos sinamus fili: et quo-
niam nos tibi, Actnea incendia unde fiant, diximus; id uelim
ego scire ite ex te, ipsa haec quomodo fluant. Neque enim pu-
to huius ignarum rei, tanquam dormientem spectatorem, sic te
ex eo spectaculo rediisse. B. F. Iam istud quidem pater fie-
ri sine ullo negotio potest uel una Hesiodi comparatione; qua

ille in sua theogonia fluxisse ait tellurem, ubi eam post fulminatum Typhæum igne correptā describit, hoc ni fallor modo: ex quo sane libet mihi suspicari etiā pastorem illum Ascræum aliquando Aetnam conscendisse; atq; inde sibi sumpsisse; quod de uniuerſa tellure scriptum reliquit:

Vritur ipsa ingens tellus; æstuque furente

Liquitur; albentis quondam ceu lamina plumbi

Arte uirum flammisque caua fornace liqueſcit:

Seu ferrum; quanquam hoc maternæ uiscera rupis

In duras aluere uires; cum ferbuit olim

Vulcani domitum manibus, terraque fatiſcit.

Et quidē propterea illū ego plūbi, & ferri exempla posuiſſe crediderim; ut alteri ea cōpararet, quæ igne facilius corripuntur & fluunt; ut sulfurea tellus omnis, & ea telluris partes, quæ tenuiores sunt; alteri aut cum saxa omnia, tum ea, quæ flāmā reſiſtunt magis, & sunt ſuapte natura duriora. **B. P.** Mihi hæc quidē certe nō diſplicent ipſa per ſe: atq; etiā delectauit me non nihil poetæ ingenium; qui tam apte deſcripſerit fluentem & ardentē tellurem: ſed tamen tu fili nimium præparce reſpondeſ ad illa, quæ peto: nō modo enim hoc ita ſimpliciter cupio, ea incendia quō fluant, ſcire abſ te: ſed etiā, ubi deſcenderint, quam faciē capiant; tum ſi perdurant eadem ſemper, an aliquando immutantur, audire. **B. F.** Geram tibi morem pater; & ea, quæ poſtulas ut potero, explicabo. Pleno iam partu ut maturior eſt omnis fœtus, quicunq; in Aetnæ matris utero coaleſcit, niſu parientis expellitur, quacunq; prius rimā inuenerit, aut uiam ſibi parauerit ui ſua: ſæpe tamē exit ex eo cratere, quē ipſi uidimus; nunq̃ ex ſuperiore; qđ uel eo inſcendere grauis materia non queat; uel, quia inferius alia ſpiramenta

XIII

sunt, non sit opus. Despumant igitur flammis urgentibus
ignei riui pigro fluxu totas delambētes plagas: y paulatim
recedente calore priorem sibi naturam repescētes in la-
pidem indurescunt fragilem sane flānis eneruantibus, et
si completas, putrem. Stat ea confluuiis, ueluti glacies, cō-
creta, usq; dum alteri descendant riui: y nanque non supra
fluunt; sed inter montis arenosam cutem et priora concre-
ta fluenta insinuantes sese cursum sibi medium quærunt:
sic, quæ prius induruerant; quia friabilia sunt ut dixi; no-
uis incendijs cedentia crepant, et in partes disiecta profili-
unt, quacunq; unda deurgens interfluit: deinde congelan-
tem eā altera subit illuuiis; atq; ipsa tantundem facit: tū al-
tera item, et altera: non enim continuato fluxu mons; sed
per intermissos spiritus, ut supra commemorauimus, eru-
etatur: atque ita nouissimis semper uincētib; multipli-
catoque in immensum incendio ex igneis fluminibus fracti
lapides altissimo congestu magnam montis partem occupa-
runt: atq; y, quo recentius fluxere, eo et nigriores sunt, et
firmiores: ætate et palleſcunt, et resoluuntur: inde ego es-
se arenarum plagas omnis, quæ circa cacumen uisuntur,
existimo. Materies omnis aridissima est; atque ideo minus
multo, q̄ uiui lapides, ponderosa; scabra adeo, ut breui mo-
ra, tanq̄ a lima, conscendentium calcei excedantur. B. P.
Atqui ego sane in eo mallempedoclem imitari; qui
ascensurus amyclis æreis utebatur: sed sequere. B. F. Ea
infra paruum craterem circumuersus totum montem com-
plexa est; et cumulum eum, in quo maior crater est, su-
stinet: demittitur inde alicubi per interualla inum in mō-
tem obliquis fluxibus; quaque Catina iacet, usque in
mare; lata sæpe, qua uisus patet; horrendum sane spectat.

culum modo alucis hiantibus, modo impendentibus ripis .
Inter maxima profluvia longe memorabile illud est; quod
paulo ante nostram ætatem usq; intra Catinam decurrens
non paruam urbis partem incendio depopulauit: neq; sane
descensus is minus, q̃ per. cc. stadia conficitur. Quin etiam
portum eum, de quo ait Virgilius

Portus ab accessu uentorum immotus et ingens

Ipse, sed horrificis iuxta tonat Aetna ruinis;
ita impleuere fluuenta Aetnea; ut iam errass: Virgiliū pu
tes, qđ portum ibi esse ingētem dixerit, qui pene nullus sit.
B . P . Istud nimirum est, qđ a principio dixeras cedere il
lis uolentibus, atq; eorum contrahi ardoribus ipsum mare.
B . F . Est ita quidem, ut dicis: sed ut ad propositum reuer
tamur, reptare per eas crepidines, quas dixi; duobus mil .
pass. necesse est quem uis craterem uisuros: reliquum iter
in equis conficitur . reptationis eius labor haud facile cre
das, qđ durus est, quāq; indigens uirentis genu; quippe , quia
degrauante uiatore temere ingesti lapides cōcedunt; et in
ascensu maxime arduo, ni probe posueris pedē, dimoto uno
tota congeries deuoluitur, et in te ipsum ruit: adde, qđ etiā,
si in plano cecideris, lædunt scabritie sua; et manus crebro
contactu, nisi cōtexeris, atteruntur. Magna hæc fortasse ui
debuntur pater audienti tibi. magna enim sunt ut mihi qui
dē uideri solent, uerū nusquā adeo, ac nobis inspectantibus
fuerunt. nā Aetna quanta est, nemo quidē scit, qui nō uidet.
Ex summo uertice cōtēplari totā insulā licet: termini eius
longe esse multo minus uidētur, q̃ sunt. Brutia ora ita tibi
sub oculis iacet; ut eo posse traycere pene quidē iactu lapi
dis putes: serena tēpestāte Neapolitani etiā tractus extimā
tur. Niuibis per hyemē fere totus mōs canet: cacumē neq;

xv

per æstatem uiduatur. B. P. Quid, quo l hyemare tantū
eas & Plinius & Strabo meminere? B. F. At experiētia
ita te docet, usq; ipse auctor, qđ quidē uenia illorum dixe
rim, longe certior. Quare illud mi pater etiā atq; etiā uide;
ne quid te moueat, si aliqua ex parte huius nostri de Aetna
sermonis cum uetustis scriptoribus dissentimus: nihil enim
impedit fuisse tū ea omnia, quæ ipsi olim tradiderunt, quo
rū permāserint plurima in nostrā dicm; quædam se immu
tauerint; aliqua etiā allata sint noua: nā, ut cætera omittā;
qđ cinerosa partim esse summa cacumin adixerunt; eius rei
nunc uestigiū nullū apparet: cinis enim, qui queat conspici,
toto mōte nullus est: neq; id tamen omnibus annis fuit: nam
multorū testimonio accepimus, qui uiderunt, annis ab hinc
quadraginta tantos ex Aetna cineres euolasse; ut per totā
cam insulæ partem, quæ ad Pelorū iacet, omnem oleam ab
stulerint; eos etiam in Italiam uentis ferentibus latos. Sed,
ut ad niues illas redeamus, addebat idē Vrbani kalendis
Iunijs ascendente se satis largiter abūde; ninxisse; tum ite
rum, qui dies septimus fuerit post eum dicm, dum ipse Rā
datj moraretur, eo die in uniuersam montanam plagam ni
ues fere in pedis altitudinem descendisse: in quo ipso licet
Pindarum suspicere scite cognomento usum; qui Aetnam
niuium nutricem appellarit. Quo latere subest Catana,
media fere inter ipsam & cacumen regione purissimus &
perēnis fons erumpit dorico uocabulo Crana ab incolis ap
pellatus: Cæterum toto monte supra radices nullæ aquæ
sunt; nisi quæ uel ex niuibus emanant; cuius quidem rei
etiam Theocritum testem habemus; in quo dum Galatæ
Cyclops enumerat diuitias suas, hæc etiam inter ferit,

E st glacialis aquæ riuus mihi, quem syluosa
Nectarum in potum niuib. fluit Actna solutis;
aut si quæ intra fagorum truncos pluuijs descenditibus
relinquuntur. Atqui res & locus me monuerunt, ut quod
ibi uidimus pulcherrimum naturæ opus & mirati fuimus
maxime, non præterirem. Altissima in specula; qua syl-
ua deficiente liberior prospectus in insulam, & Tyrre-
num mare est; herbidus campus leni decumbit cliuo: hunc
pini proceræ pari distantes interuallo ducta corona circū-
sepiunt: in medio fagus densissima quadrifido robore se
attollens, celsior quam cæteræ, ueluti regina ipsa consur-
git: ea non statim discriminatur; sed a tellure per spatium
cubitalem uno trunco contenta est: inde se in ramos con-
similes æqualibus interuallis dispartitur: interne usq; ad
imas radices arbor deficiens undis pluuiialibus urnam ex
se se facit: illæ montano purgante acre, ac umbris solem
arcentibus & fontanis gelidiores sunt, & putealibus pu-
riores. Ambigere ibi tu quidem pater si quid eorum ti-
bi laudandum esset; quid nam potissimum laudares, an
prospectum eius loci, an locum; tum an arborem, an undas:
ita scite in alteris decorandis; quasi quidem id agerent; ut
quid magis pulchrum esset, ambigeretur; & Hamadryas,
& Nais conuenerūt: in honestandis uero alteris admirabile
quidem est, quantum gratiæ uenustatisq; sibi inuicem affe-
rant Iupiter Genio, & genius Ioui: quo fit; ut in utrisque
multum Venus etiam permista sentiatur. B. P. O pul-
chras naturæ delicias, uel etiam decorum, ut poetis placet;
si qui sunt, qui cum montem colant. B. F. Sunt pater,
ut aiunt; atq; incolunt illo ipso quidem in loco. B. P. Mi

41
rabar; si hæc temere dicerentur prouenire, præsertim a Si-
culis; quos quidem constat propter sermonis impunitatem
et licentiam etiã trilingues uocatos: sed quis inhabitat de-
us? B. F. Fauni esse fontem illum dicunt. B. P. Fa-
bellam te uideo inchoare: sed quoniam in Faunum incidi-
mus, sequere: detineri enim me ab illo facile patior; cū quo
te scio libenter etiam carminibus ludere interdum solere.
istud autem qui sciunt: an ita coniectantur? B. F. Vide
re se inquit pastores ipsum deum passim errantem per
syluas et pascua; tum etiam sedentem sub illis arboribus co-
ronatum pinu, et tacentem sæpius; interdum tamen etiam
fistula solantem amores. Sed continebo potius me hic pa-
ter. leuia enim hæc sunt; et mihi loqui tecum, nisi reuerē-
ter non licet: quãquam si pergerem; faceres tu quidem hac
in re; quod facere etiam reges in cænis solent: qui quidem
inter apros et pauones; quibus abundant quotidie; interdū
tamen et allium poscunt et betas. Neque sanè animus no-
ster uacare semper rebus seuerioribus potest: neque, si uacet;
tamen ex illis tam plenam capit uoluptatem; quã si ea ipsa
remitteret interdum, et mox nō longo interuallo intermis-
sa reuocaret. Ita tu nunc graua illa philosophiæ studia; qui-
bus quidem certe id omne tempus soles, quod tibi per rem-
publ. licet impertire; melius etiam fabellis hisce leuioribus
condienda remitteres. et quidem licet maxime uel in No-
niano fabulari. B. P. Sane quidem licet; dum illud tamē
semper teneatur; ut cerato remige Sirenas, quod aiunt. Et
profecto poeta ille sapientissimus nunquam Vlis si conce-
sisset, quem prudentissimum semper facit; ut Sirenarum
cantus audiret; nisi liceret etiam grauib; et sapientibus

uiris; quorum tamen in numero me non pono; minus serijs
 adesse interdum rebus, et lusus captare non adeo seueros;
 modo ne remiges audiant; hoc est, ne sensus pateant uolu-
 ptatibus; quibus et demulcentur ipsi semper; et, nisi ratio
 ne occlusi sint, sepe etiam facillime capiuntur: quod tibi esse
 faciundum in uita maxime semper censeo Bembe fili: nam
 nisi te ita informaris, ut uoluptatū illecebris animū imper-
 uiū geras; non possum dicere, quā multæ tibi occurrēt spe-
 cies earū, quæ te non adoleſcētem modo, ut es nunc, demul-
 cere possint et delinire, ac iam etiā debellare et deuincere;
 sed plane etiam uirum. Itaque illis aut magnanimiter im-
 perandū est; quod fecerunt uiri omnes magni, et boni, et ij,
 quos propterea deos etiam appellauerunt; uel omnino tur-
 piter deseruiendum: in quo quidē tu si me audies, non com-
 mittes; ut reiecta continentia atque ipso amore uirtutis ex
 illorum sis grege, de quibus plæclare Oratius,

Nos numerus sumus, et fruges consumere nati,
 Sponsi Penelopes nebulones, Alcinoique,
 In cute curanda plus æquo operata iuuentus;
 Quis pulchrum fuit in medios dormire dies, et
 Ad strepitum citharæ cessantum ducere curam.
 Sed quoniam inclinata iam est dies, procedamus in atrium:
 nugæ autem pastorales istæ tuæ sub umbris sunt potius et
 inter arbores; quam intra penates recensendæ. Quæ cū
 dixisset, et iam in atrium peruenissemus, ego finem lo-
 quendi feci; ille cogitabundus in bibliothecam perrexit.

Venetijs per Io. Ant. eiusq; Fratres de Sabio.
 Anno Domini. M D X X X.

005643478

16.141

XVI

ys
as;
u-
tio
esse
mem
per
tpe
mul
ere;
m-
ty,
ur,
com
rex

um:
set
cu
o-
t.